

Dumonda Zindel concernent la reducziun da las contribuziuns G+S tras il UFSPÖ

Ils 19 da zercladur 2025 ha l'Uffizi federal da sport (UFSPÖ) communitgà che las contribuziuns en il rom dal program per la promoziun dal sport Giuventetgna+Sport (G+S) vegnian reducidas per 20 pertschient a partir dal 2026 (guardar la communicaziun dal UFSPÖ a las medias dals 19 da zercladur 2025). Questa reducziun fa el, perquai ch'il program ha grond success e perquai che l'onn 2024 èn sa participads tants uffants e giuvenils sco anc mai a las activitads da G+S.

Grazia al program fan mintg'onn pli che 680 000 uffants e giuvenils part a curs da sport, a trenaments ed a champs en passa 85 disciplinas da sport. Ultra da las purschidas da sport regularas quintan vitiers er champs appreziads sco ils champs da Tschuncaisma da la Jubla. En il chantun Grischun èn vegnids pajads l'onn 2024 var 2,7 milliuns francs directamain a las uniuns (cumpareglia las statisticas JES 2024 dal DDPS), ina reducziun da 20 pertschient munta pia, che las uniuns grischunas perdan pli che in mez milliun francs.

Ils daners da promoziun da G+S èn la basa finanziaria da bleras purschidas da sport per uffants e giuvenils, che vegnan organisadas d'uniuns. Els èn ina prevenziun fitg favuraivla, perquai ch'il sport na prevegn enconuscentamain betg mo a malsognas fisicas e psichicas, mabain promova er la coesiun sociala e l'integraziun. La reducziun periclitescha bleras da questas purschidas u augmenta considerablamain lur pretsch, uschia che numerusas famiglias na las pon betg pagar. Ultra da quai promova il program da G+S – perquai ch'el integrescha ina scolaziun correspundenta da las trenadras e dals trenaders – er la qualitat da las purschidas.

Las sutsegnadras ed ils sutsegnaders drizzan perquai las suandantas dumondas a la Regenza:

1. Co valitescha la Regenza las consequenzas da la reducziun da las contribuziuns per las uniuns grischunas ed en general per la societad?
2. È la Regenza pronta da s'engaschar sin plaun federal cunter la reducziun previsa?
3. Vesa la Regenza pussaivladads per cumpensar las contribuziuns che mancan sin plaun chantunal, tras contribuziuns supplementaras? Sche gea: en tge dimensiun e cun tge mecanissem?

Cuira, ils 30 d'avust 2025

Zindel, Hohl, Collenberg, Altmann, Atanes, Bachmann, Bardill, Baselgia, Biert, Bischof, Bisculm Jörg, Bundi, Cahenzli-Philipp, Casale, Caviezel, Censi, Derungs, Dietrich, Epp, Gartmann-Albin, Hartmann, Heim, Hoch, Hofmann, Horrer, Kaiser, Koch, Kreiliger, Mazzetta, Müller, Natter, Nicolay, Orlik, Preisig, Rageth, Righetti, Rusch Nigg, Rutishauser, Schläpfer, Stiffler, Zaugg-Ettlin